



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

VII. Formula Dispensationis Apostolicæ, Conjugium Sigismundi Comit. Et
Margaretæ Reussin De Plauen Concernens, 1518.

urn:nbn:de:hbz:466:1-44860

VII.

FORMULA DISPENSATIONIS APOSTOLICÆ,
CONJUGIUM SIGISMUNDI COMIT. ET MARGARETÆ REUSSIN DE PLAUVEN CONCERNENS,
1518.

Albertus, DEI & Apostolicæ Sedis gratia Moguntinensis & Magd. Archi-Episcopus, & Halberstatensium Ecclesiæ Administrato, Germaniæ Primas, & S.R.I. Archi-Cancellarius, & Princeps Elector &c. & frater *Alexander Molitoris*, Ordinis Minorum de observancia, Conventus Moguntinensis humilis Gvardianus, Sacratissimarum Indulgentiarum, gratiarum & facultatum, in favorem & commodum fabricæ basilicæ S. Petri de urbe, per Sanctissimum in Christo Patrem & D.N. Dominum *Leonem*, divinâ providentiâ Papam X. ad Mogunt. & Magdeburg. Provincias concessarum, Nuncii & Commissarii auctoritate Apostolica specialiter deputati. Reverendo in Christo Patri Episcopo *Ascalonensi* salutem in Domino. Oblatæ nobis nuper pro parte dilectorum in Christo *Sigismundi*, *Burggravi* in *Kirchberg*, & *Margaretha Reussin de Plavven* mulieris, conjugum, nostræ Mogunt. Diœcesis, petitionis series continebat, quod olim ipsi non ignorantés, se tertio consanguinitatis gradu conjunctos, matrimonium inter se per verba, de præsentis de facto contraxerunt, carnali copulâ minimè subsequuta. Cùm autem in hujusmodi matrimonio remanere non possint, canonica dispensatione desuper non obtentâ, & sicut eadem subjungebat petitio, si divorcium perpetuum fieret inter eos, gravia exinde scandala verisimiliter exoriri possent, Nobis humiliter supplicari fecerunt conjuges antedicti, quatenus ipsis de debitæ absolutionis beneficio ac opportuna dispensationis gratia benignè providere dignaremur, Nos, qui cunctorum Christi fidelium animarum salutem quærimus, & scandalis, ne eveniant, libenter obviamus, circumspectioni Vestræ auctoritate Apostolicâ, quâ, quoad hæc, speciali per literas Sanctissimi D. N. Papæ facultate muniti fungimur, committimus & mandamus, quatenus Conjuges antedictos, si id humiliter petierunt, ab *excommunicationis* sententia, quam propter præmissa incurrerunt, hac vice duntaxat absolvatis in forma Ecclesiæ consveta, injunctis inde eis, pro modo culpæ pœnitentia salutari, quodque de cetero talia non committent, nec ea committentibus præstabunt auxilium, consilium, vel favorem, & aliis, quæ de jure fuerint injungenda. Demum si est ita cum Conjugibus prædictis, ipsis ad tempus, de

(Ddd) 2 quo

quo Vobis videbitur, ab invicem separatis, ut, tertii consanguinitatis gradus impedimento hujusmodi non obstante, matrimonium de novo contrahere, & in eo, postquam contractum fuerit, licite remanere valeant, dummodo dicta Mulier propter hoc ab aliquo rapta non fuerit, dictâ auctoritate vice nostrâ in utroque foro dispensetis, suscipiendam ex hujusmodi matrimonio prolem legitimam decernentes. In quorum fidem præsentis literas fieri, sigilli que fabricæ prædictæ, quo in talibus utimur, jussimus appensione muniri. Datum Moguntia anno Incarnationis Dominicæ MDXVIII. XVI. KL. Augusti, Pontificatus S. D. N. Papæ præfati anno VI.

